



Tuče so ka lje i vakcina protiv o covid-19

Akija informacia šaj te pomožini tut angljeder hem palo so ljeljan i vakcina.

O Covid-19 tano nevo hem but opasno nabormipe kova mudarda but manušen. O vakcine so tane validna arakhena tut kotar akava nabormipe. Ki Švedska tani i vakcinacia bizo pare hem nane obavezno.

I vakcinacia dela zaštita tuče hem averende

I vakcinacia dela tut jekh but šuži zaštita protiv o covid-19. Ama, isi rizik so šaj paljem te ove zarazimo hem ako ljeljan i vakcina, samo so o simptomija nane te oven but zoralje. Sebepi so o rizik tano tikno, ađahare tani hem i šansa tikni avere manušen te zarazine. Kotar avera phuvja dikhljam so o nabormipe tiknjola ako pobuter đene ljelje i vakcina. Odoljese tani i vakcina but važno faktori protiv o covid-19 hem i pandemia te činavđol.

Savi zaštita dela i vakcina?

O vakcine so koristinena pe ki Švedska, ljela pe ko duj doze. I prvo doza dela tuče efektivno zaštita palo trin kurče, ama valjani te kompletirini pe e dujto dozaja


sebepi i zaštita te ovel zoralji jekh pobuter vreme. Tu na valjani te počine kotar početka ja te lje jekh ekstra doza ako nakhlja pobuter kotar rekomendirimo vreme maškaro i prvo hem i dujto doza. But tano važno te lje i dujto doza sebepi i zaštita te ovel zoralji jekh pobuter vreme.

ARAKH TUT HEM AVEREN

Tu so ljeljan i vakcina valjani paljem te đa premali rekomendacia sebepi o nabormipe te na barjol.

Akava valjani te čere

- ačhov čere ako hijan nabormo
- ičer distanca
- thov te vasta.



Infomacia kotar i vakcinacia

O regioni kaj so bešeja tano odgovorno baš i vakcinacia protiv o covid-19. Ko 1177 šaj te dikhen pobuter informacia kotar i vakcinacia.

Angljeder i vakcina, valjani te phere jekh blanketa kaj ka pisine informacia kotar to sastipe. I vakcina ka dobine upre ki musi. Valjani te ačhove othe ko lokali 15 minutija palo so dobijan i vakcina. Odova tano sebepi te dikha ako hijan šukar hem ako nane tut dijekha alegisko reakcia.

Ađahare šaj te ovel tuče palo so ljeljan i vakcina

Palo so dobijan i vakcina, ko odova than šaj te ove lolo hem šuvlo. Šaj te ovel tut temperatura, te dukhal tut to šero hem te osetine tut sar nabormo. Sa akava tano jekh normalno reakcia ko telo. Ama, ko pobuter đene tane o simptomija tikne hem nakhena pala disavo vreme. Alergiska reakcije nane ko but manuša.

Ako isi tut biefektija

Ako na osetineja tut šukar hem sikirineja tut but, vičin ko 1177, vačer save simptomija isi tut hem vačer keda ljeljan i vakcina.

Bare biefektija palji vakcina nane ko but đene. Ako isi tut diso kotar akala simptomija vičin ko 1177 ja rode pomoč ko doktor:

- Pharo te dišine hem dukhala to koljin.
- Šuvljiljan, loljiljan ja dukhana te čanga hem te musija (na ko than kaj so dobijan i vakcina).
- But bari dukh ko vodi.
- Dosta vreme đala rat kotar to nak.
- But bari dukh ko šero.
- Na dikheja šukar.
- Neve hem bare modrice ja tikne rata ko muj hem avera thana.

Raportirin ako isi tut disave biefektija

O Läkemedelsverket igari statistika kotar i sigirnost hem efekti, kotar o vaccine so koristinena pe akate ki Švedska. Tu šaj te prijavine o biefektija ki oficialno internet strana kotar o Läkemedelsverket:

www.lakemedelsverket.se/rapportera.

Nacionalno registracia baš i vakcina

Sa o vakcinacije protiv o covid-19 ka o oven registririme ko nacionalno registrar baš i vakcinacia. Akava čeraja sebepi te dikha kaj reseja e vakcinaja, ama tumari privatno informacia ka ovel zaštitimi.

KONTAKT HEM INFORMACIA

Informacia tuče so bešeja ko odova than:

- 1177
– birin o regioni ko **1177.se**

Informacia kotar i vakcinacia hem sar šaj te činava o nabormipe:

- Folkhälsomyndigheten
– **folkhalsomyndigheten.se**

Informacia kotar o vaccine protiv o covid-19:

- Läkemedelsverket
– **lakemedelsverket.se/coronavaccin**
- Läkemedelsupplysningen
– telefoni **0771 – 46 70 10**

Avera pučiba kotar o covid-19, test hem vakcinacia:

- **Krisinformation.se**
- Det nationella informationsnumret **113 13**
- Nationella information ko avera čhibja:
08 – 123 680 00

Vaccination
mot covid-19